

宋六十一名家詞



竹齋詩餘

目錄

沁園春八調
摸魚兒一調
木蘭花慢四調
水調歌頭二調
傳言玉女一調
鵲金門五調
長相思一調
鵲橋仙四調
定風波一調
蝶戀花一調
醜奴兒二調
臨江仙三調
菩薩蠻三調
卜算子一調
江城子一調

竹齋詩餘目錄

八聲甘州一調
水龍吟一調
滿江紅三調
六州歌頭二調
清平樂六調
霜天曉角四調
烏夜啼一調
四江月二調
虞美人三調
好事近一調
更漏子一調
南鄉子一調
浣溪沙四調
醉蓬萊一調
訴衷情一調

乳燕飛三調
喜遷鶯一調
醉江月二調
永遇樂一調
眼兒嬌三調
夜行船一調
祝英臺近一調
憶秦娥一調
踏莎行一調
小重山一調
減字木蘭花一調
鷓鴣天三調
山花子二調
醉落魄一調
朝中措二調

宋六十名家詞

柳梢青二詞

滿庭芳一詞

二

竹齋詩餘目錄終

竹齋詩餘

宋 黃 機

路園春（奉康章史君再遊西園）

問訊西園。一春幾何。君今再遊。記流觴亭北。偷拈酒戲。凌雲臺上。暗度詩闌。略略花痕。差差柳意。十日不來紅綠稠。須重醉。便功名了後。白髮爭休。定誰騎鶴揚州。任書放牀頭。醺醺。況殷勤鶯燕。能歌更舞。輕狂蜂蝶。欲去還留。歲月易忘。姓名須載。筆勢翩翩回萬牛。歸來晚。有燭明金翦。香暖珠簾。

又（壽）

六月云初人爭議。公無阻傷。記傳飛急羽。舟泛海道。瀾漫白水。路入沙場。萬姓三軍。倚公爲命。法有逗遛。公自當君。還信似崔嵬。砥柱屹立瞿塘。此行陰德難量。到論定。纔知滋味長。看魚肥蟹健。妻孥共樂。酒粳稻熟。翁媼相將。何以報公。祝公千歲。多少人家。燒夜香。凌煙上。更聲名凜凜。冠劍堂堂。

又（壽）

問訊梅梢小春近也。花應漸開。記華堂此日。紅牙絲竹。歡聲昨夜。翠玉尊疊。霧節重重。金旂曳曳。人自閬風玄圃來。嬉遊處。任滄波變陸。劫火成灰。行天看取龍媒笑。衛霍當年如此。裁有

筆頭文字。何妨揮灑。胸中兵甲。解洗氛埃。見說君王。防秋才子。便著芝泥封詔催。功名事。付孱顏燕石。突兀雲臺。

又（次岳總幹韻）

日過西窗。客枕夢回。庭空放衙。記海棠洞裏。泥金寶畢。醪醕架下。油壁鈿車。醉墨題詩。薔薇露重。滴壁飛雅行。整斜爭知道。向如今。漂泊望斷天涯。小桃一半。蒸霞更兩岸。垂楊渾未花。便解貂賞酒。消磨春恨。星珠賈笑。酬客年華。對面青山。招之不至。說與浮雲休苦遮。山深處。見炊煙又起。知有人家。

又（廖總幹席上）

暑風清微。梅腮漸紅。麥鬚未黃。恨牡丹多病。醫治費巧。醪醕易老。點綴無方。客裏光陰。愁中意緒。想美人兮。山水長銷凝處。有龍絲墜簡。來喚持觴。華堂賸貯春光。粲一行珠璣。時樣妝更燕留輕態。詞翻古調。鶯嬌欲囀。曲度新腔。玉漏聲沈。銀燭影瀉。殢酒猶燒心字香。歸來也。判明虬永日。瑞錦鴛鴦。

又（爲潘彬州壽）

問訊仙翁。因勤爲底。來萬山中。想橘邊丹井。鶴尋舊約。松間碧洞。鹿養新茸。霧節亭亭。星旂曳曳。導以浮丘雙玉童。嬉遊處。盡祥煙瑞雨。霽月光風。歡聲已與天通。更日夜。彬江流向東。定

催歸有謂，泥香芝檢，留行無計。路熟花驄，入侍嚴凝，密陪清燕。吳水歡然相會，逢年年暮，對春如酒好，酒似春濃。

又（送徐孟堅秩滿還朝）

人物眇然，落落曉星，如君幾何。有飄搖長袖，工持月斧，寂寥遺韻，妙鼓雲和。政事文章，特其餘事。英氣橫空時浩歌，還堪笑，似龍文古鼎，誰復摩挲。青絲繫馬庭柯，爲小駐壽君金叵羅。說一時偉望，齊高岳麓，二年遺愛，拍滿湘波。世事多端，細憑商略，痛處不須言語多。從今去，好經從烏府，躍上鑾坡。

又（送趙運使之江西）

有美一人，昔在何居。今方見之，儼瓊纓翠弁，氣清芬只。珠璣絳節，光陸離兮。吾道非耶，世情復參天驥，昂藏不受羈。還知否，定曲高寡和，才大難施。行吟湘水之湄，看雲卷雲舒，無定姿。想粲然長笑，物皆有用。時哉易失，我亦奚爲。袖手旁觀，何如小試，欲脫囊中失利錐。君休歎，正梅花將發，塵滿征衣。

八聲甘州（爲遜齋壽）

問仙翁底事到人間。人間足嬉遊。向文邊書意，詩邊著語，滿南州。逸韻高情，總似野水瀉孤舟。所未能忘者，樂鼎茶甌。政恐功名相泥，便扶搖直上，龍尾螭頭。想塵緣終薄，歸去老菟裘。

有當年東鄰西舍。辦雞豚相與燕春秋。階庭裏。兒孫袞袞。飛度驂鸞。

乳燕飛（次岳繇幹韻）

擊碎珊瑚樹。爲留春。怕春欲去。駛如風雨。春不留兮君休問。付與流鶯自語。但莫賦。綠波南浦。世上功名花梢露。政何如一。笑翻金縷。繁白日。莫教暮。蒼頭引馬城西路。趁池亭。荻芽尚短。梅心未苦。小雨欲晴晴不定。漠漠雲飛輕絮。算行樂。春來幾度。鞭影不搖鞍小。據過橫塘。試把前山數。雙白鷺。忽飛去。

又（次徐斯遠韻寄稼軒）

興潑元同字。喚君來。浮君大白。爲君起舞。滿斑斑。功名酒淚。白歲風吹急雨。愁與恨。憑誰分付。醉裏狂歌空漫觸。且休歌。只倩琵琶訴。人不語。絃自語。詩成更將君自賦。渺樓頭。煙迷碧草。雲連芳樹。草樹那能知人意。帳望關河夢阻。有心事。殘天天許。繡帽輕裘眞男子。政何須。紙上分今古。未辦得。賦歸去。

又

秋意今如許。怪征鞍底事匆匆。翩然難駐。斗帳屏圍山六曲。怕見瑣窗欲暮。請誰伴。梧桐疎雨。路入衡陽天一角。更山環水繞。無重數。客易。便難阻。相思纔信相思苦。省疎狂。迷歌殢酒。把人輕誤。閒取歸期何日是。指點庭前幽樹。定冷藥。疎花將吐。此去西風吹雁過。家身心別後。

安平否。聊慰我。至誠處。

摸魚兒

惜春歸。送春惟有。亂紅撲簌如雨。亂紅也。怨春狼藉。搗得淚痕無數。腸斷處。更喚起。瓊鵲催發長亭路。征鞍難駐。但脈脈含顰。人底事。剛愛逐春去。闌干憑芳草。斜陽凝竚。愁連滿眼煙樹。鬢鬆不理金釵溜。鸞鏡一奩香霧。花誰主。恨玉容寂寞。□□春知否。單衣嬾卸。任門外東風。流鶯聲裏。盡日墮飛絮。

水龍吟

晴江滾滾東流。爲誰流得新愁去。新愁都在長亭望際。扁舟行處。歌罷翻香。夢回呵酒。別來無據。恨茶蘼吹盡。櫻桃過了。便只恁。成孤負。須信情鍾易感。數良辰。佳期應誤。才高自嘆。綠雲空詠。淩波漫賦。團扇塵生。吟牋淚漬。一觴慵舉。但丁寧雙燕。明年還解。寄平安否。

喜遷鶯（香風亭上）

平湖百畝。種滿湖蓮。葉繞隄楊柳。冉冉波光。輝輝煙影。空翠濕霑襟袖。靜愜鄰雞啼午。暖逼沙鷗眠晝。西園路。更紅塵不斷。蝶酣蜂瘦。知否堪畫處。野蕪蕪菁。冒地鋪茵。繡桃李陰邊。桑麻叢裏。斜矗酒帘誇酒。竹寺小依山趾。茅店平窺津口。春又晚。正香風有客。倚闌搔首。

木蘭花慢（次岳總幹韻）

歎鏡中白髮。元不向酒邊栽。奈詩習未除。客愁易感。臍要安排。浮名任他有命。怕青山顛怪不歸來。出屋長松招鶴繞。渠流水行杯。浪驅羸馬踏江淮。幽夢苦相催。甚狹路巖崎。雄心突兀。誰忍徘徊。此事正煩公等。笑曹劉只合作興臺。我自人間屈曲。青雲有眼休回。

又(壽)

政胡塵滿野。問誰與作堅城。有老子行年。平頭六十。無限聲名。向來試陳大略。便羣兒囁嚅耳邊鳴。爭識規模先定。破羌終屬營平。吾心惟有忠誠。羞媚嫵。做逢迎。謂干戈鋒鏑。動關民命。此不宜輕聽。聽渠自分勇怯。奈何他天理若持衡。只把從前不殺也。應換得長生。

又(次岳總幹韻)

問功名何處。算只合付悠悠。怕僮僕擲。揄長年爲客。楚尾吳頭。春來故園漸好。似不應不醉把春休。賸買蓑蕩荻笻。河豚已上漁舟。人間太半只閒愁。衰笠夢汀洲。向桃花花邊。招邀同社。秉燭來遊。連臺聽渠拗倒。更麴生元不厭誅求。世事翻雲覆雨。滿懷何止離憂。

又

竇文王前子。自不與世人同。況地望既華。天資更偉。雲驥行空。年少才名蜚動。泛星槎。曾到廣寒宮。桂子香濃秋月。桃花浪暖春風。神仙之說。朦朧鉛汞。亦何功。政磐石規模。維城事業。倚重周宗。休要碧油紅旆。趁黑頭時節。做三公。堂上雙親未老。穩看金紫重重。

滿江紅

呀鼓聲中又妝點。千紅萬綠。春試手。銀花影粲。雪梅香馥。歸夢不知家近遠。飛帆正掛天西北。記年時歌舞綺羅叢。憑誰續。煙水迢。雲山簇。勞悵望。傷追琢。把蛛絲鵲喜意。□占卜。月正圓。時差獨照。夜偏長。處憐孤宿。悔從前輕被利名牽。征塵撲。

又

萬寵難禁。便直欲。掃清關洛。長淮路。夜亭警燧。曉營吹角。綠鬢將軍思下馬。黃頭奴子驚聞鶴。想中原父老已心知。今非昨。狂鯢剪。於菟縛。單于命。春冰薄。政人人自勇。翹關還掣。旗幟倚風飛。電影戈鋌射。月明霜鏑。且莫令榆柳塞門秋。悲搖落。

又

雲暗山昏。西風撼。一天悲雨。隱君問。短牆修竹。園何處。九月江南無雁到。素書封了誰傳與。待從頭拚却。把心寬。還如故。吳姬唱。燕姬舞。持玉壺。溫瓊醕。恨人生歡會。一年幾許。莫上小樓高處望。樓前詰曲來時路。便直須。疋馬兩蒼頭。東歸去。

醉江月

春愁幾許。似春雲蕩蕩。連空無數。□□眉尖偏易得。沒箇因由分付。楊柳煙濃。海棠花暗。綠漲橋頭路。小樓應是。有人和淚凝竚。長記寶軸妝成。鴛鴦繡幃。輕笑歌金縷。香雪精神依舊否。

風月誰憐虛度。帶減衣寬。十分憔悴。兩下平分取。黃昏可更。子規聲碎。煙塢。

又

東籬成趣。有西風解事。催開叢菊。碎摺黃金。誰試手。一一清香堪掬。露溼涼輕。霞凝寒重。秀發如新沐。宮妝勻就。豈知紅紫。纔俗。因念昔日淵明。微官不受。歸伴花幽獨。彈壓秋光三徑裏。濁酒牀頭初熟。飲劇腸寬。醉深吻燥。更把綸巾漉。此翁無恙。喚渠同醉船玉。

水調歌頭（爲施少儀作）

此日足可惜。心事正崔嵬。江淮踏徧經歲。相識定誰來。每向酒邊長嘆。更向花邊長笑。意虛叵能猜。邂逅忽相遇。有客在塵埃。脫儒冠。著武弁。太多才。筆墨爭似鉤戟。容易到雲臺。餘子何須轉手。便把平生胸臆。勇去莫徘徊。事業上金石。人世自懽哀。

又（天下洞流杯事作）

金篆鏤巖穴。玉斧鑿山湫。飛泉澌沫無數。六月自生秋。天矯長松千歲。上有冷然天籟。清響眇難收。亭屋創新觀。客袂棹還留。推名利。付飄瓦。寄虛舟。蒸羔釀秫醅。甕戢戢。蟻花浮。喚取能歌能舞。乘興攜將高處。杯酌薦毚球。徑醉雙□□。白眼視庸流。

六州歌頭（岳總幹驢沽上吳荊州啓。以此腔歌之。因次韻）

百年忠憤。無淚洒江濱。曹劉事。埋露草。鏤煙條。哭英魂。此恨有誰知者。時把劍。頻看鏡。徒自苦。

拳破裂。眼眇昏。從古時哉去速。鄰人子反袂傷麟。望家山何在。衰衰已繫纓。欲剗還生。猛蕘驚。膏肓危病。寧有藥。鍼七。獻無門。荊州啓。條舊畫。漢將軍。不已存。便合囊封去。倉庾地。尙閒關。此不用心漫有。恐無干人世。懷哀數耳。天或者又假人言。又一番春盡。高柳暗如雲。夢斷重關。

又次岳總幹韻

將軍何日去。築受降城。三萬騎。貔貅虎。戮鯢鯨。洗滄溟。試上金山望。中原路。平於掌。百年事。心未語。淚先傾。若若纓繫印綬。偏安久。大義誰明。倚危闌。欲徧江水。亦吞聲。日斷蘋汀。海門清。停杯與問焉。用此手。雖積如京。波神怒。風浩浩。勃然興。捲龍腥。似把渠忠憤。伸懇請。翠華巡。呼壯士。挽河漢。蕩撓搶。長算直須先定。如細故。休苦縈縈。正清愁滿抱。鷗鷺却多情。飛過郵亭。

永遇樂（章史君席上）

別院春深。華堂晝永。嘉譙初啓。翠玉尊罍。紅牙絲管。睡鴨沈煙裏。弄晴雲態。行空絮影。漠漠似飛如墜。最多情。紫絲圍就。錯落亂星流地。史君自有元龍豪氣。喚客且休辭醉。蝶困蜂酣。燕嬌鶯姁。憶意濃如此。促其笑語。止乎禮義。衣佩細紉。蘭芷遙歸去。殘更欲盡。曉鴉又起。

傳言玉女（次岳總幹韻）

日薄風柔。池面欲平。還皺紋。嫩玉子。礫礫敲春晝。衾繡半捲。花氣濃熏香獸。小園初試。饒蘊銀。

覺。夢斷陽臺。甚情懷似病酒。鳳窩羞對。比年時更瘦。雙燕乍歸。寄與綠牋紅豆。那堪又是。牡丹時候。

清平樂

西園啼鳥。留得春多少。客裏情懷無日好。愁損連天芳草。博山灰冷香殘。微風吹滿銀箋。卓午花陰不動。一雙蝴蝶團圓。

又（東邪宰）

曉窗晴日。一點黃金橘。萬事如毛隨日出。多少人間頭白。未春長恨春遲。春來生怕春歸。辦取羯天簫鼓。莫教孤負荼蘼。

又（爲經推官壽。清容，隱之草名也。）

煙融雨膩。春去三之二。了却蘭亭脩禊事。判與仙翁一醉。方壺日月偏長。清容花草吹香。辦取此身強健。功名飽看諸郎。

又（壽林守）

敘頭蝴蝶。趁舞梅邊雪。酒瀉黃滕光奪月。歲歲年年蕉葉。却龍韜虎略。換渠金甲牙旗。邊城驚喚春來。沙場馬到秋肥。脫

又

風韶煙膩。春事三之二。說與人生行樂耳。富貴古來如此。西園已有心期。姚黃魏紫開時。纖
指金荷漱澣。香脣銀竹參差。

又（江上重九）

西風獵獵。又是登高節。一片情懷無處說。秋滿江頭紅葉。誰憐鬢影淒涼。新來更點吳霜。孤
負茱萸菊盞。年年客裏重陽。

眼兒媚

粉牆朱閣映垂楊。晴綠小池塘。東風颺暖。單衣初試。晝日偏長。髻鬆兩鬢飛雲影。鈿合未梳。
妝闌干側畔。閒拋荔子。驚散鴛鴦。

又

東風挾雨苦無端。惻惻送輕寒。那堪更向。湘灣六六。淺處留船。詩圖酒戲成孤負。春事已闌。
珊瑚愁都在。落花枝上。杜宇聲邊。

又

莫嘆日日話思歸。歸也却便宜。東鄰招茗。西鄰喚酒。一笑開眉。人生萬事無緣足。待足是何
時。妻能紡績。兒能耕種。未必寒飢。

謁金門

風又雨。牆外落紅無數。人不歸來春不住。佳期還已誤。
青鸞飛得去。問天天亦許。細細一團愁緒。薄倖疏狂何處。化作

又

風雨後。枝上綠肥紅瘦。樂事參差團不就。一春如病酒。
雙雙來未久。頗知人意否。樓外暖煙楊柳。憶得年時攜手。燕子

又

愁萬疊。春在雨條煙葉。翠袖倚風寒霎霎。傍闌看乳鴨。
薰香香未歇。可憐音信絕。何處一聲啼鴂。架上荼蘼欲雪。繡被

又(壽何令)

冬十月。記取生申時節。梅傍小春融絳雪。淺寒猶未却。
夫人頭半白。看君金印燁。且醉笙歌蕉葉。富貴不須頻說。國太

又(秋晚口惠花爲賦)

秋向晚。秋晚蕙根猶暖。碧染羅裙湘水淺。羞紅微到臉。
寶奩慵不掩。無風香自滿。空翠繡簾圍徧。月薄霜明庭院。妝罷

霜天曉角(梅花)

玉粲冰寒。月痕侵畫闌。客裏安愁無地。爲徙倚。到更殘。
問花花不言。嗅香香欲闌。消得个溫
存處。山六曲。翠屏間。

又（僑真江上夜泊）

寒江夜宿。長嘯江之曲。水底魚龍驚動。風捲地。浪翻屋。
詩情吟未足。酒興斷還續。草草興亡
休問。功名淚。欲盈掬。

又（金山吞海亭）

長江千里。中有英雄淚。却笑英雄自苦。興亡事。類如此。
浪高風又起。歌悲聲未止。但願諸公
強健。吞海上。醉而已。

又（夜舟過峨眉山）

江涵落日。風轉飛帆急。問訊蛾眉好在。無一語。送行客。
閒情眠未得。倚窗消酒力。却怕魚龍
驚動。且莫要。夜吹笛。

夜行船（京口南園）

紅濺羅裙三月二。露桃開。柳綿又起。百尺遊絲。宮鶯留燕。判與南園一醉。
展展斜陽明野水。
倚危闌。暮雲千里。說似遊人。直須燒燭。早晚綠陰青子。

長相思（蛾眉亭）

東梁山，西梁山，占斷長江相對閒。古今雙鬢斑。
天漫漫，水漫漫，人事如潮多往還。淺壑深恨
間。

烏夜啼

雲容曉色相涵，征驂碎點遙山。山如豆，是淮南。
路漸遠，家漸遠，恨難堪。見窗花葉底，鬢髮斑。

祝英臺近

試單衣，扶短策，沙路淨如洗。乍雨還晴，花柳自多麗。
爭知話別南樓，片帆天際，便孤了同心連
理。鎮縈繫，謾有羅帶香囊，殷紅鬪輕翠。一紙濃愁，無處倩雙鯉。
可堪飛夢悠悠，春風無賴，時
吹過亂鶯聲裏。

鵲橋仙

（次韻湖上）

黃花似鈿，芙蓉如面，秋事淒然向晚。風流從古記登高，又處處悲絲急管。
有愁萬斛，有才八斗，慷慨時驚俗眼。明年一笑復誰同，料天遠爭如人遠。

又

（壽葛守）

松梢擎雪，竹枝溥露，炯炯照人清韻。仙家譜系合長生，元不藉藥爐丹井。
淩雲壯志，垂天健翮，九萬扶搖路穩。發聞政最有公車，定飛下日邊音信。

又